

ARLeF: bant di 40.000 euros pe Fieste de Patrie dal Friûl

A son dedicâts ai ents locâi. La scjadince des domandis e je fissade pai 8 di Març dal 2017

La ARLeF (Agenzie regjonâl pe lenghe furlane), in atuazion des normis de L.R. n. 6 dai 27 di Març dal 2015, inte suaze dal program anuâl aprovât di pôc de Zonte regjonâl, e sosten la realizazion di **manifestazions culturâls pe celebrazion de “Fieste de Patrie dal Friûl” (ai 3 di Avrîl dal 2017) de bande di ents locâi in colaborazion cu lis Pro Loco e altris sogjets publics e privâts cence fins di vuadagn o a fins mutualistics, metint a disposizion un totâl di 40.000 euros**. A puedin acedi a chei stes, duj i ents locâi che a àn la lôr sede legâl intun dai comuns des provinciis di Gurize, Pordenon e Udin.

Pe celebrazion de “Fieste de Patrie dal Friûl”, si puedin finanziâ chestis ativitâts culturâls finalizadis a ricuardâ e a valorizâ lis origjins, la culture e la storie di autonomie dal popul furlan: iniziativis indreçadis a fâ cognossi e/o a aprofondî la lenghe, la storie e la culture furlanis, fasint partecipis so redut i zovins; iniziativis indreçadis a difondi la cognossince e l'ûs dai diviers struments linguistics e informatics esistents, tant che il Grant Dizionari Bilengâl Talian-Furlan o il Coretôr Ortografic Furlan; iniziativis indreçadis a fâ cognossi la leterature e la editorie in lenghe furlane; raprezentazions teatrâls e concerti musicâi di cualitât in lenghe furlane; acüst e difusion di bandieris dal Friûl. Dai 40.000 euros, 10.000 a son destinâts aes iniziativis culturâls proponudis des Provinciis furlanis (Gurize, Pordenon e Udin); 5.000 euros a son pes iniziativis culturâls dai Comuns capitâl dal Friûl (Gurize, Pordenon e Udin); 25.000 euros a son destinâts aes iniziativis culturâls di chei altris ents locâi. Lis ativitâts culturâls a puedin jessi fatis, dai 20 di Març ai 15 di Avrîl dal 2017, di un sôl ent locâl o di agregazions di ents locâi. L'an passât, cun 30.000 euros a disposizion, i progjets finanziâts a son stâts une trentine.

Il bant, il regolament e i modui si puedin scjariâ dal sît de Agenzie: www.arlef.it/it/bandi-gare-avvisi/2017.

Lis domandis a varan di rivâ, dentri dal tiermin perentori dai 8 di Març dal 2017, dome cun spedizion vie PEC ae direzion: arlef@certgov.fvg.it.

Par nissun motîf si cjaparan in considerazion domandis che a vessin di rivâ di là di chel tiermin, o sedi secont altris modalitâts.

Udin, ai 15 di Fevrâr dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<